

UGOVOR
za nabavku usluga popravke službenog motornog vozila
Audi A6 3.0 TDI

između:

1. **USTAVNI SUD BOSNE I HERCEGOVINE** sa sjedištem u Sarajevu, ul. Reisa Džemaludina Čauševića 6/III, kojeg zastupa predsjednik Ustavnog suda Bosne i Hercegovine Zlatko M. Knežević (u daljnjem tekstu: **Naručilac**)

i

2. **PORSCHE INTER AUTO BH d.o.o.** sa sjedištem u ulici Bulevar Meše Selimovića br. 16, Sarajevo, kojeg zastupa AlexAndor Vaszi direktor (u daljnjem tekstu: **Izvršilac**)

Član 1.
(Predmet ugovora)

(1) Predmet ovog ugovora je nabavka usluge popravke službenog motornog vozila Audi A6 3.0 TDI za potrebe **Naručioca** prema ponudi iz člana 7. ovog ugovora.

(2) **Naručilac** i **Izvršilac** su saglasni da ugovor realiziraju prema definisanim uvjetima iz tenderske dokumentacije/poziva za učešće u pregovaračkom postupku bez objave obavještenja SU-08-1021-4/19 od 11. novembra 2019. godine, dopune broj SU-08-1021-6/19 od 12. novembra 2019. godine i broj SU-08-1021-12/19 od 14. novembra 2019. godine i prema sadržaju zahtjeva za učešće broj PIA-452/19-S.H. od 14. novembra 2019. godine i konačne ponude broj 452/19-S.H. od 15. novembra 2019. godine sa kojom je **Izvršilac** učestvovao u provedenom pregovaračkom postupku bez objave obavještenja.

Član 2.
(Vrijednost ugovora)

(1) Ukupna vrijednost ovog ugovora definisana je ponudom **Izvršioca** iz člana 1. ovog ugovora i iznosi 8.504,89 KM bez uključenog PDV-a, odnosno 9.950,72 KM sa uključenim PDV-om.

(2) Pojedinačne cijene sadržane su u ponudi **Izvršioca** iz člana 7. ovog ugovora.

Član 3.
(Način plaćanja)

(1) **Naručilac** se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 30 dana od dana prijema računa sa priložima (radni nalog i specifikacija ugrađenih dijelova) od strane **Izvršioca** bez primjedbi, račun proslijediti na plaćanje Ministarstvu finansija i trezora BiH.

(2) **Izvršilac** je saglasan da **Naručiocu** neće zaračunavati kamate za zakašnjenje prilikom plaćanja preko Trezora, ako je **Naručilac** u ugovorenom roku predao nalog za plaćanje Trezoru BiH.

Član 4.
(Rok izvršenja usluga)

- (1) Rok za izvršenje usluga iz člana 1. ovog ugovora je 29. novembar 2019. godine.
- (2) Izvršilac osigurava nabavku, isporuku i ugradnju svih potrebnih dijelova za popravku predmetnog vozila.

Član 5.
(Viša sila)

- (1) Naručilac i Izvršilac se neće smatrati odgovornima za kašnjenje u ispunjenju obaveza prema ovom ugovoru, neposredno ili posredno, ako je zakašnjenje usljedilo usljed više sile.
- (2) Pod višom silom podrazumijevaju se slučajevi koji se mogu pojaviti poslije stupanja ovog ugovora na snagu, a koji nisu pod kontrolom ni jedne ugovorne strane, niti se objektivno mogu predvidjeti, a sprečavaju jednu ili obje ugovorne strane u ispunjavanju preuzetih obaveza po ovom ugovoru.
- (3) U što skorijem roku, nakon djelovanja *više sile*, a ne duže od dva dana, Izvršilac detaljno obavještava Naručioca pismenim putem o djelovanju *više sile*. U slučaju da se utvrdi da Izvršilac nije u mogućnosti da ispuni obaveze prema ovom ugovoru, Naručilac ima, i može koristiti, pravo na raskid ovog ugovora o čemu će pismenim putem obavijestiti Izvršioca u roku ne dužem od tri dana nakon saznanja o djelovanju više sile.

Član 6.
(Garancija)

- (1) Izvršilac garantuje da će usluge iz člana 1. ovog ugovora vršiti kvalitetno, savjesno, blagovremeno uz angažovanje stručnih i obučениh servisera, a u cilju popravke i produženja vijeka trajanja vozila.
- (2) Izvršilac garantuje da će ugrađeni rezervni dijelovi biti tvornički novi, neupotrebljavani, originalni i da će funkcionisati i da će kvar biti u potpunosti otklonjen.
- (3) Garantni rok na izvršenu uslugu i na ugrađene dijelove je minimalno dvije godine.
- (4) Ukoliko se za vrijeme trajanja garancije pokaže da oštećenje odnosno kvar nije adekvatno otklonjen, Naručilac pismenim putem obavještava Izvršioca koji je obavezan, u što je moguće kraćem roku i o svom trošku, popraviti ili otkloniti nedostatke.

Član 7.
(Specifikacija)

Sastavni dio ovog ugovora je zahtjev za učešće Izvršioca broj PIA-452/19-S.H. od 14. novembra 2019. godine i konačna ponuda Izvršioca broj 452/19-S.H. od 15. novembra 2019. godine sa kojim je isti učestvovao u provedenom pregovaračkom postupku bez objave obavještenja i detaljni troškovnik ugrađenih i zamjenjenih dijelova i rada servisera.

Član 8.
(Zaštita prava)

(1) U slučaju spora po odredbama ovog ugovora, ugovorne strane će ga nastojati riješiti mirnim putem, a u protivnom nadležan je Sud Bosne i Hercegovine u Sarajevu.


(2) Na sva prava i obaveze ugovornih strana koja nisu regulisana ovim ugovorom, primjenit će se odredbe Zakona o obligacionim odnosima u Bosni i Hercegovini.



Član 9.
(Stupanje na snagu)

Ovaj ugovor stupa na snagu danom potpisivanja od strane ovlaštenih osoba ugovornih strana.

Član 10.
(Broj primjeraka ugovora)

Ovaj ugovor sačinjen je u četiri istovjetna primjerka, od kojih svaka ugovorna strana zadržava po dva primjerka.

ZA PRUŽAOCA

Alex Andrić
Direktor

ZA NARUČIOCA

Zlatko M. Knežević

Predsjednik
Ustavnog suda Bosne i Hercegovine

2019
Sarajevo, 22. 11. 2019
Broj: PIA-LI-454/19

Sarajevo, 19. novembar 2019. godine
Broj: SU-08-1021-18/19